

# SETA NEOEI

NO. 262

MIGMAOI SOLNALTJITJ

FEB. 1909

## LE MESSAGER MICMAC

Petit Journal Mensuel publié par le R. P. Pacifique, Missionnaire, à Sainte-Anne de Restigouche, P. Q. Paraît le 1er du mois. Abonnement, 50 sous.



## THE MICMAC MESSENGER

Yearly Subscription, 50 cents; Single Copies, 5c. For Ads. see last page. Address all communications to Rev. F. Pacifique, Restigouche, P. Q.

## PATLIASEOEI GELOSOAGAN

Ola nigetj igat tapoödoel tepgenoset, tan sag teloitasis apignatjit, eln tepetog alasotmaganigtog Oasögönemagantimgeoei. Saponög (2) gisna agantleomg (7) tllisip eapatasigel oasögönemaganel, ag lög oetmitetemeg metj gogonemen oentjigöömigtog otjit gesinogogagan gisna nsanögön igag 24 tesogonitj etpgenoset pögötamgiateo galémeomg, tepgoanting na nagoeg; sgato me tan Natel tlei oigasitueo oetjiolet tepgenoset.

Lno pipanigesit, oegla noteman pipanimolgesen täneg papilöndögo getoi atjaloteg gisna gisi atjaloteg, elt nin getoi gtjitjigepéneg teloitotjig Sagöpög elt tjel teloitotjig oetapagamitjigi, negia elt egel notagig oen getapeglalattj.

Sagöp eta negem Isag ogolsel, tan elp Aplam ogolsel. Ola Aplam oetji minasonos Gisolgol onotjeoin tani eoa-titji. Eln tepetog pa sig negem Sagöp oegolsiseni oagala 12 tesilipemi tani lesolpag negemöo oetapagamitji ogtlineoöo; teloitotjig Sagöpög gisna Islelag, me gislog, meta ala. Sagöpög taponemig tan teoisis, Sagöp ag Islela.

Tan gionagatjeoei oen alsotg gögoei otapsoni gisna tan telgat tjel elt og-sitgam ogoa tjlgetemogo ag angistemogo tan etmao gisi ogsoatögsep tjlptogo negem ignemos nige eoittegesep sigentasig tan eogsep sigentasimgeoei otjit Gisolgol tan teli glotjietöös ma gisi gsegamogo, ag pileol ogsoatög ma gisi eomogo. Oitjel elt tan gisi mall-eoei tögöpogootasit tan teli sigentasit ma ittegei oen gisi tögöpogootasitigol ogtögnasimeo ittegei, imelitj oigmatjel. Negela tanig altatjig naglatitji otepitemoa gisna otjinsmomoa mo ogisi flatagatineo tan teli gsatemititj; tlliatj eta gisi altatjig ogsitgamogo, sgato Gisolg ogtlalsosin gtninenag tan tesigo

gisi gtjitogo, tan elt tell millatagatigo Gisolgo nemolgo. E. M.

## AGNOTEMAGENTJITJEL

MELSIGNATIG getjigao oetji matj-asis notji ginamoetisgo Mall, atjalos natoaganeg.

Oetji msenemeg gelosoagan, emgel 'Maol gelosit sagmasgoetj Maol Atjiga sgol tan teli pnatöga.'

Noeleomggeg patllas Isitöl natji alamesiges oelt msotoimnameg msot gögoei gegjinoatoinamteg tan oen teli alasotmateo oasög gtöi Metja, ag tan tesonemig gögoei gagi gnoatoinametj tan teli alasotmagana; mesgigeg oit-asoagneg etli gagötgeg ntninenaga; ag elt oelgoitjimnamegag ag oelitasol-tjeg, ag migoitetemoatesnen amotja megaoa.

Gess mo teoleog tetapo alasotmögo-ömeg tjinemog igatjig tögo teoegeti-pen gtegieoinotjel alasotmamgeg tepgl-gega; tögo ola tjinem oitjipogoit ag oesgötg tan teli gisi toeganga. Tel-ämot, amotj teolen tan teli pttjeg getjena lamigoömeg alasotmögoömg, mota mö na pitepogoöm, na oa tjine-em gesigeoetögsit tan teleoistög.

Elp na pa sapeolno patllas teoieteg ag onagapemel nin gesmipogoasi ag ntageosen menato, gelolg patllas mig-maolsi; semtog Pöligap elp gelosit; pa sig ola gtegieoinotj ntägögnalnam-em. Nin S. T. A.

Slaol pestleomgges glapis elegeola-timgeg, ag pogoelgag tegötgag, ansema ela teoemg gagi tögögag ola tet mig-maotjaga; ag teli gsalatitjel patllas-ela, teloitjig mimatjioing. Me gato oelmetög ola gotjino, ag geloltes oget-lamsetagana,

Ag lög mesgöltjegag tan Mall teli ponö ginamoetj, inim eosami glositag msot gögoeigtogoa, ola pa na oeli no-tjötjig alasotmögoömg ag tan teli gin-amoatja mitjoatjätjaga; gato mo na teloemeg. Iaptjio Isög, pa sig gato me gitjga atji pttgatgesen na piami glot-tesög.